

Oz è igl De mundial  
digl codesch



2023

**AVREGL**

# Igl De mundial digl codesch

«Igl era eneda ena classa cun 20 unfants. Igl 23 d'avregl è sto en de tot spezial per els. Els on durmia anfignen mezde e pir la seira on els pacheto ena marena aint igl turnister, en satg da durmeir, ena lampa da mang ed en codesch. Cun chella tgargia èn els ias ainten la biblioteca. Lò on els ligia totta notg – e chels tgi savevan betg anc liger sezs, on tadlo scu tg'igls oters on preligia, anfignen tg'els èn sa durmantos. Forsa on els simgia dallas istorgias tg'els on ligia e santia.» Durmeir ainten ena biblioteca u ainten scola e tadlar e liger l'antiera notg – chegl ins fò propi chi e lò igl De mundial digl codesch.

Invento igl De mundial digl codesch ò l'UNESCO igl onn 1995 – l'organisaziun

tgi vot cunzont tgi tot igls carstgangs possan eir a scola ed amprennder. Codeschs geidan ad amprennder lungatgs ed els ans rachintan er istorgias dad oters lis. Daple tg'ins amprennda e so dad oters e damanc dispeta e ghera tgi dat. Perche gl ò l'UNESCO declaro igls 23 d'avregl scu De mundial digl codesch. Pertge gist igls 23 d'avregl? Chegl ò da far cun ena tradiziun dalla Catalogna, noua tg'ins festivescha chel de igl de digl nom da son Gieri. Chel de regala la gliout l'egn l'oter rosas e codeschs.

Ast te en codesch preferia?

Vo puspe eneda ainten biblioteca.

Baratta en codesch cun en'ameia.

Pertge ins ligia codeschs?


Tge codeschs (rumantschs) ast te?

Tge codesch regalessas te ad en'ameia u ad en amei?

Vardas te gugent codeschs da maletgs?

# Brutus scu segnapagina

- 1 Colurescha la figura.
- 2 Taglia or la furma e la foda per lung dalla lengia da stretgigns.
- 3 Cola ansemen igl segnapagina.




calours

cola

forbesch

# Lupo scu segnapagina

- 1 Colurescha la figura.
- 2 Taglia or la furma e la foda per lung dalla lengia da stretgigns.
- 3 Cola ansemen igl segnapagina.



forbesch  
cola  
calours

text: Chartrina Josty, illustraziun: Yvonne Gièndi,  
grafica: Theres Jäger  
© Lia Rumantscha

KIDSFITSCHE  
Lia Rumantscha

Schweizerische Eidgenossenschaft  
Confédération suisse  
Confederazione Svizzera  
Confederaziun svizra



Uffiz federal da cultura UFC